

– Մըհեն այստեղ է, – ասաց նա, – երբ բոլորովին կառողջանաս, նա քեզ կը տանի Վան: Ասլանը այն տեղ մի քանի օր պետք է մնայ: Դու դարձեալ կը գտնես նրան:

– Ես կը գնամ առաւօտեան, վաղ առաւօտեան: Ասլանը խոստացաւ սպասել ինձ առաջին իջեւանում, ես նրան սպասել չեմ տայ:

Առաւօտեան ինձ բոլորովին առողջ չեի գգում: Արեան չափազանց հոստումը բաւական թուլացրել էր ինձ: Բայց մի քանի օրից յետոյ ես կարող էի ձի նստել եւ ճանապարհ գնալ: Մարօն առաջարկեց Մըհէին ինձ հետը վեր առնել:

– Մըհէն ինչո՞ւ է եկել, – հարցրի ես:

– Նա եկել է մեզ տանելու, – պատասխանեց նա:

– Ո՞վ է ուղարկել:

– Զայրս:

– Ուրեմն ես ինչպե՞ս կարող եմ նրան առնել ձեզանից:

– Մենք առանց նրան եւս կարող ենք գնալ:

– Զէնց ե՞ս կոյր հաւի պէս չեմ կարող մենակ ճանապարհ գնալ:

– Կարող ես, բայց ճանապարհը կը կորցնես: Բացի դրանից Մըհէն հօրիցս նամակ ունի Ասլանի վրայ, պետք է շուտով հասցնի:

Արեւը դեռ չծագած Մըհէի հետ ճանապարհը ընկանք: Նա ձի նստելու սովորութիւն չուներ: «Մեղք է, ասում էր, ապա ոտքերս ինչո՞ւ համար ստեղծել է աստոած»:

Մըհէն գնում էր իմ ձիու առջեւից, ահագին լախտը իր թելի վրայ դրած: Նա լում էր, նա չէր խօսում եւ իմ հարցերին տալիս էր խիստ կարճ պատասխաններ:

Ես ճանապարհին հազիւ կարողացայ մտաբերել, թէ որքան անբաղաքավարի կերպով բաժանոցայ Մարօից: Ես նրան ոչ մի խօսք չասացի. նա այնքան տեղ եկաւ ինձ հետ, նայում էր իմ վրայ, սպասում էր մի քաղցր խօսք լսել: Ես մտաբերեցի, որ իմ հեռանալուց յետոյ, նա իսկոյն չվերադարձաւ դէպի վրանը, այլ նստեց ճանապարհի մօտ մի քարի վրայ: Ես այժմս էլ յիշում եմ, թէ ինչպէս գլուխը քարշ գցած, նստած էր նա: Ես հարցրի Մըհէից: Մըհէն Մարօի մօտ էր, նա յետոյ եկաւ եւ հասաւ ինձ:

«Նա լաց էր լինում», ասաց իմ ուղեցոյց Զերթուկէսը:

– Ինչո՞ւ էր լաց լինում, Մըհէ: